



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-1085/22
Datum, 29.06.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 17. sjednici održanoj dana 29.06.2022. godine, usvojilo je

Izveštaj o realizaciji Programa manifestacije obilježavanja 6. aprila – Dana grada Sarajeva u 2022. godini.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

IZVJEŠTAJ
O REALIZACIJI PROGRAMA MANIFESTACIJE OBILJEŽAVANJA
6. APRILA – DANA GRADA SARAJEVA U 2022. GODINI

Sarajevo, juni 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



I UVOD

Izvještaj je pripremljen u skladu sa Programom rada Gradskog vijeća Grada Sarajeva za 2022. godinu i ima za cilj potpuno informisanje vijećnika o realizaciji Programa manifestacije obilježavanja 6. aprila – Dana grada Sarajeva u 2022. godini. Gradsko vijeće Grada Sarajeva je, na sjednici održanoj 29.12.2021. godine, usvojilo Odluku o davanju saglasnosti na Program obilježavanja 6. aprila – Dana grada Sarajeva u 2022. godini, broj 01-GV-02-1780/21. Programom obilježavanja 6. aprila – Dana grada Sarajeva za 2022. godinu planirano je održavanje kulturnih i sportskih manifestacija, Svečana sjednica Gradskog vijeća Grada Sarajeva, dječji program, program na otvorenom, polaganje cvijeća i odavanje počasti na spomen-obilježja u gradu Sarajevu.

U nastavku slijedi detaljan Izvještaj o realizaciji Programa manifestacije obilježavanja 6. aprila – Dana grada Sarajeva u 2022. godini.

II ODAVANJE POČASTI I POLAGANJE CVIJEĆA

Delegacija Grada Sarajeva – gradski vijećnici predvođeni gradonačelnicom doc. dr. Benjaminom Karić i predsjedavajućim Gradskog vijeća Grada Sarajeva Jasminom Ademovićem, zajedno sa predstavnicima drugih nivoa vlasti, položila je cvijeće na spomen-obilježja grada Sarajeva i odala počast poginulim braniteljima grada i žrtvama fašizma u povodu 6. aprila – Dana grada Sarajeva prema ranije utvrđenom protokolu:

05.04. Dan opsade Sarajeva

10:00 Most Suada Dilberović i Olga Sučić
11:00 Spomenik „Dobrinjska barikada“

06.04. Dan Grada Sarajeva, Prvi napad na Sarajevo – 06.04.1992.

09:00 Vječna vatra
09:30 Šehidsko mezarje „Kovači“
- Mezar Prvog predsjednika RBiH, Alije Izetbegovića
10:00 Spomen obilježje ubijenoj djeci opkoljenog Sarajeva 1992.-1995.
10:15 Mezari ubijenih policajaca u Velikom parku (11)
10:30 Gradska groblja: Lav, Sv. Josip, Sv. Marko i Mezarje Stadion (Koševo)
11:00 Bista Vladimir Perić-Valter
11:15 Spomen park „Vraca“
11:30 Policijska škola „Vraca“
11:45 Staro Jevrejsko groblje
12:00 Spomen obilježje ispred Općine Novi Grad Sarajevo

III KULTURNE MANIFESTACIJE

ŠESTOAPRILSKA IZLOŽBA „COLLEGIUM ARTISTICUM“

Šestoaprilska izložba Collegium Artisticum 2022. otvorena je 05.04.2022. godine u 17:00 sati u galeriji Collegium artisticum u Centru Skenderija. Organizator ovogodišnje izložbe bilo je Udruženje likovnih umjetnika primijenjenih umjetnosti i dizajnera (ULUPUBiH) sa još dva udruženja – Asocijacija Arhitekata u BiH i Udruženje likovnih umjetnika Bosne i Hercegovine.

UDRUŽENJE LIKOVNIH UMJETNIKA PRIMIJENJENIH UMJETNOSTI I DIZAJNERA BiH

(Žiri: Olivera Vukotić, Iva Körbler, Ema Mazrak)

GRAND PRIX – Čedomir Kostović

Nagrada u kategoriji modni dizajn – Emina Husedžinović Ibrahimović

Nagrada u kategoriji scenografija i kostimografija – Adisa Vatreš Selimović

Nagrada u kategoriji unikatno oblikovanje – Lejla Čehajić

Nagrada u kategoriji fotografija – Agdal Nuhanović

Nagrada u kategoriji grafički dizajn – Tarik Jesenković

Pohvala žirija – Nanda Agić

UDRUŽENJE LIKOVNIH UMJETNIKA BiH

(Žiri: Lamija Neimarlija, Hasan Čakar, Boris Hodak, Emir Osmić)

GRAND PRIX – Halil Tikveša

Nagrada za slikarstvo – Ismir Halilović

Nagrada za crtež – Lea Jerlagić

Nagrada za grafiku – Nanda Agić

ASOCIJACIJA ARHITEKATA U BiH

(Žiri: Hrvoje Njirić, Boris Cindrić, Emir Salkić)

Nagrada za realizaciju – Studio Entasis – Vedina Babahmetović

Priznanje u kategoriji realizacija – Alen Jašarević – Kapela blizu Dunava

Priznanje u kategoriji ideja – Jasmin Sirčo, Dunja Krvavac, Ilma Sirčo – Idejno rješenje spomen obilježja na lokalitetu Kazani

Priznanje u kategoriji ideja – Zulejha Šabić – Zatrić i Asmir Šabić – Park streljište Velešići

Priznanje u kategoriji ideja – Edin Zoletić – Poplun

Priznanje u kategoriji enterijer – Fo4a arhitektura – Kawa caffe

Priznanje u kategoriji enterijer – Amar Zuka – Kraljeva soba

Nagrada u kategoriji javno djelovanje – Firma – Dina Šamić i Nermina Zagora – Urbane sobe Sarajeva

Priznanje u kategoriji javno djelovanje – Istraživački centar za prostor Banja Luka, Igor Kuvač, Borjana Mrda – Festival kanalizacionih cijevi

Svi radovi koji su prošli selekciju su objavljeni u virtuelnoj izložbi. Izložba u galeriji Collegium artisticum u Centru Skenderija bila je otvorena do kraja mjeseca aprila. Grad Sarajevo je organizaciju Šestoaprilske izložbe Collegium artisticum podržao sa iznosom od 3.000,00 KM.

MOSTOVI MOGA GRADA

Projekat „Mostovi moga grada“ je nastao u saradnji Gradske uprave Grada Sarajeva i JU Srednja škola primijenjenih umjetnosti, a povodom obilježavanja 6. aprila – Dana Grada Sarajeva. Izložba je održana u galeriji Srednje škole primijenjenih umjetnosti Sarajevo. Na konkurs „Mostovi moga grada“ pristiglo je 40 radova iz srednjih škola Kantona Sarajevo. Članovi žirija su vođeni kriterijima koji su propisani konkursom, jednoglasno donijeli odluku o dvadesetpet likovnih radova koji će biti izloženi na ovogodišnjoj izložbi „Mostovi moga grada.“ Izložbi su prisustvovali pomoćnica

gradonačelnice za obrazovanje, kulturu i sport Amina Deljković te predsjednik komisije za izbor najboljeg likovnog rada Ifran Hozo. Izložbu je otvorila pomoćnica gradonačelnice Amina Deljković, a prisutnima se obratila direktorica Mr. Elma Alić-Šobot. Na svečanom otvaranju izložbe, pored velikog broja posjetilaca koji su stigli iz drugih škola širom Kantona Sarajevo, prisutan je bio i veliki broj zvanica, kao i predstavnici medija. Izložba je bila otvorena do 13. aprila 2022. godine. Veliki broj posjetilaca je u danima trajanja izložbe posjetio ovu izložbu, te su bili oduševljeni radovima učenika i ljubavi prema Sarajevu iskazanoj kroz likovna djela ovih mladih umjetnika. Komisija je djelovala u sastavu Ifran Hozo, predsjednik žirija, Elma Alić-Šobot, član žirija i Amra Patković, član žirija. Od 25 izabranih radova, komisija se odlučila za najbolja tri likovna rada:

Prva nagrada – Emina Muratović – JU SC Nedžad Ibrišimović

Druga nagrada – Nedim Sadiković – JU Srednja škola primijenjenih umjetnosti Sarajevo

Treća nagrada – Almedin Mešić – JU Srednja škola primijenjenih umjetnosti Sarajevo

Grad Sarajevo je za realizaciju projekta „Mostovi moga grada” i nagrade autorima najbolja tri rada, odnosno za otkup istih, izdvojio iznos od ukupno 3.600,00 KM.

POZORIŠNE PREDSTAVE ZA DJECU

OLOVNI VOJNIK, AKO PČELE ODU I TOBIJA

Grad Sarajevo je, u saradnji sa Pozorištem mladih Sarajevo, priredio tri lutkarske predstave za najmlađe sugrađane, a kako bi se obilježavanje Dana grada Sarajeva približilo i njima te kako bi im se razvio osjećaj ljubavi prema vlastitom gradu.

Građani su putem zvanične web stranice Grada Sarajeva, kao i Facebook stranica Grada i Pozorišta mladih Sarajevo, 28. marta 2022. godine bili obavješteni da se besplatne ulaznice mogu preuzeti na blagajni Pozorišta mladih Sarajevo u terminu od 12:00 do 14:00 sati svaki radni dan.

Pozorište mladih Sarajevo igralo je tri lutkarske predstave, i to:

- 03. aprila u 11:00 sati lutkarska predstava „Tobija“ igrana u Pozorištu mladih Sarajevo
- 06. aprila u 11:00 sati lutkarska predstava „Olovni vojnik“ igrana u Pozorištu mladih Sarajevo
- 09. aprila u 11:00 sati lutkarska predstava „Ako pčele odu“ igrana u JU Centar za kulturu i mlade Općine Centar.

Zbog popularnosti naslova predstava i atraktivnosti samog projekta bila je velika zainteresovanost za posjetu istim. Sve tri predstave su igrane pred punom salom. Pozorište je ostvarilo uspješne kontakte sa osnovnim školama koje su organizovano došle u grupama na predstavu „Olovni vojnik“ 06. aprila u 11:00 sati. Predstava „Ako pčele odu“ se odigrala u Centru za kulturu i mlade Općine Centar, također pred punom salom. Pozorište je naglasilo kako su imali veliku podršku i interes publike za ideju i realizaciju ovog projekta. Grad Sarajevo je za organizaciju ovog projekta izdvojio iznos od 5.000,00 KM.

PREDSTAVE ZA DJECU „JE LI TO SAMO SAN/PRIČE IZ SARAJEVSKE ŽIČARE“

Grad Sarajevo finansijski je podržao projekat „Moja prva predstava” u organizaciji Udruženja dramskih glumaca „Mundo Mondo”, a koji je predstavljao izvođenje deset predstava „Je li to samo san?/Priče iz Sarajevske žičare“ za prvačice s područja grada Sarajeva, a koje su se većinski održale u Dječjoj kući Novo Sarajevo. Izvođenjem predstave „Je li to samo san?/Priče iz Sarajevske žičare” u režiji Maria Drmaća, promovisana je materijalna kulturna baština Sarajeva i dato je na značaju

Sarajevskoj žičari, Vijećnici, Šeher-Ćehajinoj ćupriji i Bašćaršiji, kao važnoj materijalnoj kulturnoj baštini grada Sarajeva.

U povodu obilježavanja Dana grada Sarajeva 4. aprila 2022. godine je izvedena predstava „Je li to samo san/Priče iz Sarajevske žičare“ u Dječjoj kući, a kojoj je prisustvovalo 100 učenika OŠ „Malta“. Dvije predstave odigrane su u JU Centar kulture i mladih Općine Centar, i to:

- 5. aprila 2022. godine – prisustvovalo je 67 učenika OŠ „Mula Mustafa Bašeskija“ i 65 učenika OŠ „Safvet-beg Bašagić“

- 7. aprila 2022. godine – prisustvovala su 43 učenika OŠ „Katolički školski centar“, 50 učenika OŠ „Edhem Mulabdić“ i 28 učenika OŠ „Silvije Strahimir Kranjčević“

Grad Sarajevo je realizaciju cjelokupnog projekta „Moja prva predstava“ podržao sa iznosom od 12.000,00 KM.

IV SPORTSKE MANIFESTACIJE

MEĐUNARODNI KUGLAŠKI TURNIR ZA SLIJEPE „SARAJEVO 2022“

Termin: 08.-09.04.2022. godine. Mjesto održavanja: Kuglana „Zetra“. Organizator: Sportsko društvo slijepih i slabovidnih KS.

Povodom 6. aprila – Dana grada Sarajeva, u kuglani „Zetra“, održan je 13. Međunarodni kuglaški turnir za slijepe „Sarajevo 2022“. Na turniru je nastupio 68 kuglaša i kuglašica iz 14 ekipa. Ekipno prvo mjesto je osvojila ekipa KPŠRD Karel Jerah Ljubljana Slovenija, drugo mjesto ekipa ŠUS Svjetlost Osijek Hrvatska, treće mjesto SD SIS KS 1 Sarajevo. U pojedinačnoj konkurenciji bilo je šest kategorija, tri muške i tri ženske kategorije. U kategoriji B1 muškarci prvo mjesto osvojio je Mitja Osolnik iz Ljubljane, u kategoriji B2 najbolji je bio Igor Žagar, također iz Ljubljane, u kategoriji B3 pobjednik je Vedran Dumenčić iz Rijeke, a u kategoriji B4 pobjednik je Zdravko Cegur iz Karlovca. U konkurenciji žena u kategoriji B1 najbolja je bila domaća takmičarka Ivana Bojić, u kategoriji B2 pobjednica je, također, domaća takmičarka Tanja Đukić, dok je u kategoriji B3 pobjednica Ruža Markešić iz Zagreba.

Za realizaciju turnira odobrena su sredstva iz Budžeta Grada Sarajeva od 5.000,00 KM.

MEĐUNARODNI KOŠARKAŠKI TURNIR

Termin: 08.-10.04.2022. godine. Mjesto održavanja: Centar Skenderija. Organizator: Košarkaški klub „Koš“. Na ovogodišnjem turniru učestvovalo je po šest ekipa iz četiri zemlje – Hrvatske, Srbije, Srne Gore i Bosne i Hercegovine, u kategorijama kadeta i juniora. U kadetskoj konkurenciji pobijedila je ekipa Mega Mozzart iz Srbije, drugo mjesto osvojila je ekipa SC Derby iz Crne Gore, a treće mjesto pripalo je domaćoj ekipi KK KOŠ. Proglašena je i najbolja petorka turnira Ognjen Srzentić (KK Mega Mozzart), David Mirković (SC Derby), Hamza Đedović (KK Koš), Filip Ružičić (KK SPARS) i Cvitanović Danko (KK Split). Najkorisniji igrač je bio Petar Miosavčević (KK Mega Mozzart).

U konkurenciji juniora prvo mjesto osvojila je ekipa KK Split, drugo mjesto osvojila je ekipa KK Budućnost Bijeljina, a treće je pripalo ekipi KK KOŠ. Najbolja petorka u ovoj konkurenciji izabrani su: Marino Dubravčić (KK Split), Rade Zečević (Budućnost), Mak Selimović (KK KOŠ), Borivje Kojić (KK Spartak) i Vigo Bart (KK Rijeka). Za najkorisnijeg igrača proglašen je Duje Lisica (KK Split).

Takmičenje je otvorio zamjenik gradonačelnice Haris Bašić.

Za realizaciju turnira odobrena su sredstva iz Budžeta Grada Sarajeva od 10.000,00 KM.

TURNIR U STRELJAŠTVU ZA OSOBE SA INVALIDITETOM

Termin: 02.04.2022. godine. Mjesto održavanja: Streljana „Zetra“. Organizator: Streljački savez invalidnih lica FBiH. U povodu 6. aprila – Dana grada Sarajeva, a u organizaciji Streljačkog saveza

osoba sa invaliditetom Federacije Bosne i Hercegovine, na strelištu Zetra održan je 19. Tradicionalni Šestoaprilski turnir u streljaštvu za osobe sa invaliditetom. Učestvovalo je 10 ekipa sa preko 40 strijelaca iz Sarajeva, Zenice, Tuzle, Maglaja, Tešnja, Banovića, Živinica, Donjeg Vakufa i Bijeljine. Prema propozicijama takmičenje je bilo u ekipnoj i pojedinačnoj konkurenciji, a prema klasifikacijskim grupama. U ekipnom plasmanu prvo mjesto osvojila je ekipa SIK Tuzla sa 531 krugom, drugo mjesto pripalo je SK OSI Novi Grad Sarajevo sa 522 kruga, a treće SKOSI XP Žepče sa 552 kruga. Zlatne medalje po klasifikacijama invalidnosti osvojili su Šaban Fatić, Velezar Šurtbat i Nedžad Muharemović. U ekipnoj konkurenciji kod žena ekipa SKOSI Živinice osvojila je prvo mjesto sa 346 krugova, drugo mjesto osvojila je ekipa SIK Tuzla sa 325 krugova, a treće mjesto pripalo je ekipi SKOSI Tešanj sa 181 krugom. Zlatne medalje po klasifikacijama invalidnosti osvojile su Azra Gurda, Hasna Hamzić i Mirela Ramić.

Za realizaciju turnira odobrena su sredstva iz Budžeta Grada Sarajeva u iznosu od 2.000,00 KM.

MEĐUNARODNI HRVAČKI TURNIR „KUP GRADA SARAJEVA 2022“

Termin: 08.-09.04.2022. godine. Mjesto održavanja: R Sport dvorana Organizator: Hrvачki klub „Bosna“.

Na ovogodišnjem turniru učešće je uzelo oko 150 takmičara iz 17 klubova i 8 država. Takmičenje je održano po pravilima svjetske hrvačke federacije u fair play takmičenju. Sveukupni pobjednik za sve uzrasne kategorije je Hrvачki klub „BOSNA“ Sarajevo.

Takmičenje je otvorio predsjedavajući Gradskog vijeća Jasmin Ademović.

Za realizaciju turnira odobrena su sredstva iz Budžeta Grada Sarajeva od 5.000,00 KM.

MEĐUNARODNI ŠESTOAPRILSKI TURNIR U STRELJAŠTVU

Termin: 07.-09.04.2022. godine. Mjesto održavanja: Streljana „Zetra“. Organizator: Streljački klub „Sarajevo“.

Na ovogodišnjem takmičenju nastupio je rekordan broj takmičara u seniorskoj konkurenciji. Došli su najbolji takmičari 19 ekipa iz deset zemalja – Slovenije, Hrvatske, Crne Gore, Srbije, Sjeverne Makedonije, Mađarske, Češke Republike, Švedske, Francuske, Rumunije i Bosne i Hercegovine. Prvog dana takmičenja na programu su bila takmičenja u ekipnoj i pojedinačnoj konkurenciji u gađanju zračnim oružjem. U ekipnom plasmanu u disciplini puška muškarci najuspješniji su bili takmičari SK Sarajevo koji su ubjedljivo slavili ispred reprezentacije Sjeverne Makedonije, dok su treće mjesto osvojili takmičari SK Visoko. Pojedinačno prvo mjesto je osvojio Peter Sidi iz Mađarske. U konkurenciji žene puška, također, su najuspješnije bile domaće takmičarke SK Sarajevo koje su do pehara za najbolju ekipu došle postavljanjem Novog državnog rekorda. Pojedinačno prvo mjesto je osvojila Roxana Sidi iz Rumunije. U muškoj konkurenciji pištoljem najuspješniji su bili takmičari SD Kininda iz Srbije koji su pobijedili ispred takmičara SK Sarajevo i reprezentacije Crne Gore. Pojedinačno u disciplini pištolj najuspješniji su bili takmičari SD Kinkinda Duško Petrov kod muškaraca, a kod žena Jelena Tomić.

Drugog dana takmičenja takmičari su se borili za simbolične nagrade u pojedinačnoj konkurenciji. Kod žena najuspješnija je bila Slovenka Živa Dvoršak članica SK Sarajevo koja je sa sjajnim gađanjem u finalu od 251,2 kruga pobijedila ispred Rumunjke Roxane Sidi koje je imala 248,4 pogođena kruga. Treće mjesto pripalo je, također, takmičarki SK Sarajevo Segmedini Bjelošević koja je imala 225,5 krugova. Najuzbudljivije finale bilo je kod seniora i pobjednik se nije znao do zadnjeg ispaljenog metka, ipak ponovo je najbolji bio Mađar Peter Sidi, inače aktuelni svjetski rekorder i sa pogođenih 249,4 kruga pobijedio ispred takmičara SD Dalmacijacement iz Solina Josipa Sikavice koji je imao samo 0,4 decimale manje, odnosno 249,0 krugova. Treće mjesto pripalo je Slovencu Nejcju Klopčiču koji je imao 224,0 kruga. U gađanju zračnim pištoljem za žene ponovo je najbolja bila Jelena Tomić iz SD Kininda koja je imala 234,4 kruga. Drugo mjesto pripalo je Vladki Čubelić iz SD Dalmacijacement koja je imala 225,0 krugova, dok je treće mjesto osvojila reprezentativka Crne Gore Jelena Pantović koja je imala 207,3 kruga.

Takmičenje je otvorio ministar u Vladi Kantona Sarajevo Samir Avdić.
Za realizaciju turnira odobrena su sredstva iz Budžeta Grada Sarajeva od 7.000,00 KM.

MEĐUNARODNI PLIVAČKI MITING „SARAJEVU S LJUBAVLJU 2022“

Termin: 02.-03.04.2022. godine. Mjesto održavanja: Olimpijski bazen „Otoka“. Organizator: Plivački klub „Bosna“.

Na ovogodišnjem Međunarodnom plivačkom mitingu „Sarajevu s ljubavlju“ nastupilo je oko 379 plivačica i plivača iz 31 kluba koji su došli iz pet zemalja. Najuspješnije plivačice po kategorijama bile su: Lana Pudar, apsolutna kategorija, PK Orka Mostar, Lana Pudar do 16 godina, PK Orka Mostar, Najya Hana Jukić do 14 godina, PK Velenje Slovenija i Zerina Vrabac do 12 godina, PK Zmaj Alpam Tuzla. Najuspješniji plivači po kategorijama bili su: Miloš Milenković, apsolutna kategorija, PK Budva Crna Gora, Miloš Milenković do 18 godina, PK Budva Crna Gora, Kenan Dracić do 16 godina, PK Zmaj Alpam Tuzla i Martin Ćirković do 14 godina, PK Dinamo Pančevo.

Takmičenje je otvorila zamjenica gradonačelnice Anja Margetić.

Za realizaciju mitinga odobrena su sredstva iz Budžeta Grada Sarajeva od 5.000,00 KM.

MEĐUNARODNI MEMORIJALNI JUDO TURNIR „VINKO ŠAMARLIĆ“

Termin: 26.-27.03.2022 Mjesto održavanja: Sportska dvorana Amel Bečković. Organizator: Judo klub „Željezničar“.

Na jubilarnom 30. Međunarodnom memorijalnom judo turniru „Vinko Šamarlić“ učestvovalo je više od 350 takmičara iz 34 kluba. Prvo mjesto ekipno osvojio je JK „Randori“ iz Istočnog Sarajeva, drugo mjesto JK „Nova Bila“ iz Nove Bile, a treće JK „Vogošća“ iz Vogošće. Proglašeni su i najbolji takmičari. U kategoriji U9 najbolja je bila Hatidža Vražalica iz JK Vogošća, u kategoriji U11 najbolji su bili Fahram Ličina iz JK Bosna, zatim Lazar Lalović iz JK Sparta, te Katarina Pindović iz JK Trebjesa. U kategoriji U13 najuspješniji su bili Nur Hasanahmed iz JK Bosna i Kenan Smailović iz JK Željezničar. U kategoriji U15 pobjedničke pehare su dobili Naila Ibrahimović iz JK Sarajevo i Mihajlo Bjelica iz JK Famos.

Najbolji takmičari turnira su Džejla Kožljak iz JK Vogošća te Kerim Smajlović iz JK Željezničar.

Za realizaciju turnira odobrena su sredstva iz Budžeta Grada Sarajeva od 5.000,00 KM.

MEĐUNARODNI ŠAHOVSKI FESTIVAL „SARAJEVO 2022“

Termin: 03.04.2022. godine. Mjesto održavanja: Dom oružanih snaga BiH. Organizator: Šahovski klub „Sarajevo“.

Nisu dostavili izvještaj niti opravdali odobrena sredstva od 5.000 KM.

GOLF TURNIR POVODOM DANA GRADA SARAJEVA 2022.

Termin: 09.04.2022. Mjesto održavanja: VF Golf teren, Organizator: Golf klub „Sarajevo“

Nisu dostavili izvještaj niti opravdali odobrena sredstva od 5.000 KM.

Napomena:

Služba ne raspolaže informacijom da li je Međunarodni turnir u ritmičkoj gimnastici „Suada Dilberović“ održan, a organizator manifestacije KRG BosnaGym nije dostavio zahtjev za sufinansiranje manifestacije. Organizator Karate turnira „Karate Kup Oslobođenja – Memorijal Salko Ćurić“ nas je pismeno obavijestio da otkazuje organizaciju manifestacije.

Organizatori manifestacija Međunarodni šahovski festival „Sarajevo 2022“ te Golf turnir povodom Dana grada Sarajeva 2022., nisu, iako smo im uputili više zahtjeva, dostavili narativni i finansijski izvještaj o održanoj manifestaciji do momenta izrade ovog Izvještaja.

V PROGRAM NA OTVORENOM/ONLINE FORMAT

U skladu sa Odlukom o davanju saglasnosti na Program obilježavanja 6. aprila – Dana grada Sarajeva u 2022. godini („Službene novine Kantona Sarajevo“, broj 3/22) kojom je Gradsko vijeće Grada Sarajeva dalo ovlaštenje gradonačelnici da može, a prije svega ovisno o epidemiološkim mjerama i finansijskim sredstvima, vršiti izmjene i dopune ovog Programa, program je dopunjen i događajima poput svečanog otvorenja Bistričke stanice, prigodnog dnevnog programa na otvorenom, odnosno mini koncerta na trgu preko puta Vijećnice, a gdje je navečer bio priređen i koncert bh. sastava Divanhana.

Dan otvorenih vrata, povodom obilježavanja Dana grada Sarajeva, bio je upriličen u sedam institucija kulture od značaja za Bosnu i Hercegovinu te su posjetioci 6. aprila imali obezbijeđen besplatan ulaz u Zemaljski muzej BiH, Historijski muzej BiH, Umjetničku galeriju BiH, Biblioteku za slijepa i slabovidna lica R BiH, Muzej književnosti i pozorišne umjetnosti BiH, Nacionalnu i univerzitetsku biblioteka BiH i Kinoteku BiH.

KAFA S GRADONAČELNICOM

Zbog mjeseca Ramazana tradicionalno druženje građana na Baščaršijskom trgu sa zvaničnicima i gostima Grada Sarajeva, nije održano.

VI SVEČANA SJEDNICA GRADSKOG VIJEĆA GRADA SARAJEVA

Svečana sjednica Gradskog vijeća održana je u Vijećnici uz uručenje Šestoaprilske nagrade i drugih gradskih priznanja. Uz prisustvo diplomatskog kora, predstavnika svih nivoa vlasti u zemlji, gradskih vijećnika i ranijih gradonačelnika, svečanosti su prisustvovali predstavnici bratskih i prijateljskih gradova. Čestitajući praznik slobode, predsjedavajući Gradskog vijeća Jasmin Ademović i gradonačelnica Benjamina Karić su u prigodnim obraćanjima istakli da je Šesti april simbol stalne borbe Sarajeva i njegovih stanovnika protiv zla fašizma iz različitih epoha.

Nakon obraćanja dodijeljena su priznanja i nagrade Grada Sarajeva.

Nagrada „Graham Bamford“ dodijeljene su Džebrailu Šišiću, medicinskom tehničaru Hitne pomoći koji je preminuo od posljedica COVID – 19, zatim posthumno komandantu sarajevske jedinice Igman 55 Nerminu-Beli Sukiću. Nagrada je dodijeljena i Husi Sinanoviću koji je krajem 2021. godine, uprkos tome što nije znao plivati, ušao u hladnu rijeku i od sigurne smrti spasio djevojčicu.

Dobitnice Nagrade „Graham Bamford“ su i medicinska sestra Kliničkog centra Univerziteta u Sarajevu Lejla Šopović i medicinska sestra Opće bolnice Sarajevo „Prim. dr. Abdulah Nakaš“ Amela Trbić.

Gradsko vijeće Grada Sarajeva na svečanoj sjednici Gradskog vijeća, posthumno je proglasilo počasnim građaninom Jordija Pujol Puentea, katalonskog fotoreportera ubijenog 1992. tokom opsade Sarajeva.

Plaketa Grada Sarajeva dodijeljena je Fondaciji „Dogs Trust BiH“.

Nagrada u oblasti arhitekture je dodijeljena Seadu Gološu, posthumno.

Plaketa Grada Sarajeva u oblasti sporta dodijeljena je atletičaru Islamu Đugumu.

Dobitnici „Šestoaprilske nagrade Grada Sarajeva“ u 2022. godini su Privredno društvo za promet i usluge „Alternativa“ d.o.o. Sarajevo – za doprinos u oblasti privrede, rektor Univerziteta u Sarajevu

(UNSA) prof. dr. Rifat Škrijelj – za doprinos u oblasti nauke i obrazovanja i prim. dr. Željko Ler – za doprinos u oblasti zdravstva i socijalne zaštite.

VII MEĐUNARODNA SARADNJA

Programom međunarodne saradnje Grada Sarajeva za 2022. godinu predviđeno je obilježavanje 6. aprila – Dana grada Sarajeva u prisustvu delegacija pobratimskih i prijateljskih gradova.

Obilježavanju 6. aprila – Dana grada Sarajeva, svečanom činu otvorenja obnovljene Bistričke stanice i svečanoj sjednici Gradskog vijeća Grada Sarajeva, prisustvovala su delegacije prijateljskih i bratskih gradova, i to: gradonačelnici Podgorice Ivan Vuković, Pule Filip Zoričić, Dubrovnika Mato Fanković, Sofije Yordanka Fandakova, pomoćnik gradonačelnika Novog Pazara Mirsad Jusufović, načelnik Općine Bar Dušan Raičević, predsjedavajući Skupštine Grada Zagreba Joško Klisović, gradski vijećnik Grada Beča Omar Al Rawi, predsjednica Skupštine Općine Kotor Maja Maršulja, Generalni sekretar Konye Ercan Uslu, načelnik Općine Bužim Merudin Nanić i predsjedavajući Općinskog vijeća Općine Bužim Suvad Šahinović.

Prijem gradonačelnice Sofije Yordanke Fandakove, Sarajevo, 07.04.2022.

Gradonačelnica Sarajeva Benjamina Karić primila je gradonačelnicu Sofije Yordanku Fandakovu, koja je u Sarajevu boravila povodom obilježavanja 6. aprila – Dana grada Sarajeva. U pratnji Fandakove bio je i otpravnik poslova u ambasadi Republike Bugarske Nikola Nikolov.

Prijem delegacije Općine Kotor, Sarajevo, 07.04.2022.

Zamjenik gradonačelnice Sarajeva Haris Bašić sa pomoćnicom gradonačelnice Aminom Deljković upriličio je 07.04.2022. godine u Vijećnici prijem za predsjednicu Skupštine Općine Kotor Maju Maršulju i sekretarku Skupštine Općine Snežanu Barbu.

Prijem gradonačelnika Podgorice Ivana Vukovića, Sarajevo, 07.04.2022.

Gradonačelnica Sarajeva Benjamina Karić primila je gradonačelnika Podgorice Ivana Vukovića, zamjenicu gradonačelnika Slađanu Vujačić i savjetnika u Službi za međunarodnu saradnju Davorina Đurovića koji su u Sarajevu boravili povodom obilježavanja 6. aprila – Dana grada Sarajeva.

Susret čelnika zastupničkih tijela građana Grada Zagreba i Grada Sarajeva, Sarajevo, 07.04.2022.

Predsjedavajući Gradskog vijeća Jasmin Ademović, 07.04.2022. godine, primio je u posjetu Joška Klisovića, predsjednika Skupštine Grada Zagreba koji se zajedno sa brojnim gostima iz prijateljskih i bratskih gradova odazvao pozivu povodom obilježavanja 6. aprila – Dana grada Sarajeva.